

Na osnovu člana 56. Zakona o organizaciji organa uprave Federacije Bosne i Hercegovine („Službene novine Federacije BiH“, broj 35/05), člana 31. st. (1) i (2) i člana 38. Zakona o izvršavanju Budžeta Federacije Bosne i Hercegovine za 2024. godinu („Službene novine Federacije BiH“, broj 07/24) i Odluke Vlade Federacije BiH o usvajanju Programa utroška sredstava sa kriterijima raspodjele sredstava „Tekući transferi neprofitnim organizacijama - Udruženja proistekla iz posljednjeg odbrambeno-oslobodilačkog rata“ utvrđenog Budžetom Federacije BiH za 2024. godinu, Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida domovinskog rata, V. broj: 436/2024 od 13.03.2024. godine, Federalno ministarstvo za pitanja boraca i invalida odbrambeno-oslobodilačkog rata/Federalno ministarstvo za pitanja branitelja i invalida domovinskog rata, objavljuje:

### **JAVNI POZIV**

**za podnošenje zahtjeva za ostvarivanje prava na dodjelu sredstava Budžeta/Proračuna Federacije BiH za 2024. godinu iz oblasti boračko - invalidske zaštite – „Tekući transferi neprofitnim organizacijama – Udruženja proistekla iz posljednjeg odbrambeno-oslobodilačkog rata“**

#### **I.**

Predmet Javnog poziva je sufinansiranje programa rada udruženja/saveza proisteklih iz posljednjeg odbrambeno-oslobodilačkog rata.

#### **II.**

Pravo učestvovanja na Javnom pozivu ostvaruju udruženja/savezi koji su registrovani za obavljanje djelatnosti (poslova) koje se odnose na branilačku populaciju, a koji okupljaju najmanje 60% svojih članica registrovanih na nivou kantona sa istim baznim nazivom saveza uz dodatak naziva kantona u kojem su registrovani i registrovani su na federalnom nivou ili na nivou Bosne i Hercegovine, sa projektima usmjerenim na realizaciju ciljeva ovog programa.

Ciljevi programa su: podrška u realizaciji projekta od značaja za rad udruženja/saveza, poboljšanje položaja članova saveza, poboljšanje ambijenta za život i rad branilačkih populacija, poboljšanje uslova efikasnijeg i uspješnijeg doškolovanja, edukacije, liječenja, rješavanja stambenog pitanja, pomoć u radu udruženja/saveza, te zaštite branilačkih populacija po pitanju pravne i materijalne sigurnosti.

#### **III.**

Pravo učešća po ovom Javnom pozivu nemaju podnosioci zahtjeva iz tačke II. ovog Javnog poziva kojima su u prethodnoj budžetskoj godini odobrena sredstva za iste namjene, a nisu dostavili izvještaj o utrošku sredstava.

#### **IV.**

Prijedlog raspodjele i isplate namjenskih sredstava iz tačke I. ovog poziva vršit će se u skladu sa Kriterijima za raspodjelu, korištenje, kontrolu i izvještavanje o utrošku sredstava za "Tekući

transfer neprofitnim organizacijama – Udruženja proistekla iz posljednjeg odbrambeno-oslobodilačkog rata" u 2024. godini, koje donosi Federalno ministarstvo za pitanja boraca i invalida odbrambeno-oslobodilačkog rata/Federalno ministarstvo za pitanja branitelja i invalida domovinskog rata.

#### V.

Opći kriterij za odobrenje sredstava za sufinansiranje programa rada udruženja/saveza proisteklih iz posljednjeg odbrambeno-oslobodilačkog rata su:

- Broj članova udruženja koje okuplja
- Broj lica angažovanih na realizaciji projekta
- Visina sredstava potrebna za realizaciju programskih aktivnosti
- Visina učešća sopstvenih te sredstava drugih sufinansijera
- Aktivnosti poduzete na poboljšanju socijalno-statusnog položaja pripadnika branilačkih populacija

#### VI.

Sredstva po ovom transferu utvrđena su u ukupnom iznosu od 660.000,00 KM (slovima: šeststotinašezdesethiljada KM i 00/100 KM).

Sredstva za sufinansiranje programa rada odobravat će se udruženjima/savezima proisteklim iz posljednjeg odbrambeno-oslobodilačkog rata iz tačke II. Javnog poziva u iznosu od 450.000,00 KM (slovima: četiristotinepedesethiljada KM i 00/100).

Sredstva za finansiranje tradicionalnog održavanja Sportskih igara određena su u ukupnom iznosu od 110.000,00 KM (slovima: stotinudesethiljada KM i 00/100).

Navedeni iznos će se odobravati na osnovu planova/programa i to kvartalno u 2024. godini.

Razliku iznosa po ovom transferu, dio od 100.000,00 KM (stotinhiljada KM i 00/100), određuju se kao interventna sredstva koja će se koristiti kao potpora programima i projektima za hitne i nepredviđene slučajeve koji nisu obuhvaćeni javnim pozivom.

#### VII.

Zahtjevi po Javnom pozivu za odabir programa/projekata iz oblasti boračko-invalidske zaštite u 2024. godini, podnositi će se Ministarstvu u toku trajanja Javnog poziva, odnosno u trajanju **od 15 dana** od dana njegovog objavljivanja u dnevnim novinama, putem pošte ili lično u zatvorenim kovertama, na adresu:

**Federalno ministarstvo za pitanja boraca i invalida odbrambeno-oslobodilačkog rata/Federalno ministarstvo za pitanja branitelja i invalida domovinskog rata**  
**Hamdije Čemerlića br. 2.,**  
**71000 Sarajevo**  
**sa naznakom:**

"Komisija za predlaganje raspodjele sredstava „Tekući transferi neprofitnim organizacijama – Udruženja proistekle iz posljednjeg odbrambeno-oslobodilačkog rata“ u 2024. godini.

#### VIII.

Aplikacioni formular će biti objavljen na WEB stranici Ministarstva (www.fmbi.gov.ba.), a moći će se preuzeti i u prostorijama Pisarnice Ministarstva.

Neblagovremeni i nepotpuni zahtjevi se neće uzimati u razmatranje.

Federalno ministarstvo nema obavezu vraćati predatu dokumentaciju aplikantima.



IX.

Uz zahtjev je potrebno dostaviti sljedeću dokumentaciju:

1. Adekvatno popunjen i ovjeren aplikacioni formular;
2. Statut udruženja/saveza – ovjerena kopija;
3. Rješenje o registraciji udruženja/saveza – ovjerena kopija;
4. Rješenja o registraciji kantonalnih saveza – članica udruženja/saveza – kopija;
5. Uvjerenje o poreznoj registraciji udruženja/saveza (identifikacionom broju);
6. Uvjerenje nadležne ispostave Porezne uprave Federacije, ne starije od 30 dana;
7. Kopija ugovora sa bankom ili potvrda od banke iz koje se vidi ko je vlasnik računa;
8. Detaljno opisan projekat ili program za koji se traži sufinansiranje sa finansijskim izračunom prihoda i rashoda;
9. Finansijski plan projekta ili programa za 2024. godinu sa izvorima prihoda i očekivanim rashodima, koji je usvojen od strane nadležnog organa na način kako je propisano Statutom;
10. Ovjerena izjava o visini učešća sopstvenih sredstava i sredstava drugih finansijera;
11. Potvrda o broju članova udruženja/saveza ili ovjerena kopija zadnje stranice registra članstva;
12. Ovjerena izjava o broju lica pripadnika boračke populacije angažovanih na realizaciji projekta;
13. Izvještaj o rezultatima dosadašnjih realizovanih projekata i njihov značaj za članstvo u udruženju/savezu i značaj za daljnji rad;
14. Izvještaj o kontinuitetu započetih, a nezavršenih programa/projekata.

MINISTAR

Medžad Lokmić

Broj: 01-37/2-1179/24  
Sarajevo, 21.03.2024. godine

